

四庫全書存目叢書編纂委員會編

齊魯書社

四庫全書存目叢書

集部
第二七〇冊

責任編輯：孫言誠 賀 偉

ISBN 7-5333-0615-5



EB55/11

四庫全書存目叢書·集部二七〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 46.75 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二七〇冊目次

集部·別集類

寒香閣詩集四卷

〔清〕鄧鍾岳撰
南京圖書館藏清乾隆刻本

一

墨麟詩十二卷

〔清〕馬維翰撰
天津圖書館藏清雍正刻本

二四

秋塍文鈔十二卷三州詩鈔四卷

〔清〕魯曾煜撰
南京圖書館藏清乾隆刻本

一四三

最古園二編十八卷

〔清〕羅人琮撰
中國人民大學圖書館藏清康熙刻本

三一五

陸堂文集二十卷詩集十六卷續集六卷(一)

〔清〕陸奎勳撰
天津圖書館復旦大學圖書館藏清乾隆小瀛山閣刻本

五三三

寒香閣詩集四卷

〔清〕鄧鍾岳撰

南京圖書館藏清乾隆刻本

附《四庫全書總目·寒香閣詩

集四卷》提要

光緒己亥孟春購於武林梅花碑

之書攤爰付閨人香蘋重裝

以庵識

寒香閣詩集

按梅庵先生又號東長山東東

昌人康熙辛丑狀元官禮部

侍郎詳國朝館選爵里謚

侯攷

寒香閣詩集卷一

東昌鄧鍾岳悔廬

秋懷

嫋嫋起秋風，撼撼聞落木。中夜感我心，取書
北窓讀。古人邈千載，高風猶可矚。天空下珮
環，明月碎烟竹。冷然澹鬚眉，英爽來我屋。何
以接殷勤，寒泉泛秋菊。

曉起長兀兀，夜卧長惻惻。霜風煎百慮，勞人
不遑息。苟得衆所欽，抵鵲輕尺璧。榮華能幾
寒香閣詩集 卷一

時芳草今已積，慎勿喪其實。百年虛一擲，
物各有其類。薰蕕不同藏，嚴霜殄百草。蕭蘭
同一戕，取為爨下薪。青煙自飄揚，蘭氣逐清
風。猶升君子堂，臭味固能別。摧伐復何傷，
秋來常卧病。支離茆檐下，適有南飛鴻。哀音
動中野，豈無遠舉翮。良時不相假，濛濛二氣
合。漫漫百川瀉，垂翅墮青冥。風雨正瀟灑，行
路多艱難。聽此淚盈把，采采黃金花。陶情付
杯竿。

蟋蟀隱蓬蒿，嘈切殊不已。恠爾亦何為，勞勞
乃如此。鳳凰翔千仞，梧桐自棲止。節節復足
足，清味時一啓。迢然下長風，淨洗秋蟲耳。
秋水時方至，平陸浩漫漫。野日淒荒村，牛馬
不復辨。農夫輟鋤犁，簞簞集河岍。網得尺鯉
魚，撥刺長尺半。城市逐肥鮮，斗米重一換。所
獲良不勞，臨淵忽長歎。逢年固未能，力田乃
所願。

秋蘭被庭堦，芳馥襲我廬。時有素心人，相將
寒香閣詩集 卷一

耐離居終日，無雜言所說。古人書茲意，諒可
保。酌酒重相持，冉冉歲方晏。吾道定何如，

盆梅

同牕晴日影，瞳矓綽約冰。安綻小葩，但愛清
芬盈。研北誰憐冷，艷隱墻東竹。籬茆舍風情，
別紙帳香爐。臭味同至後，唐花開爛熳。無勞
剪刻費春工。

菊

黃花安晚節，偏愛肅霜侵。佳色如相待，孤芳

自可尋香寒陶徑遠英落楚江深有意憐高
潔清樽伴苦吟

夾竹桃

輕薄桃花去不羈人間何處覓芳菲有情端
為此君老長傍清陰作雨飛
紅藕花開偏耐暑芭蕉葉大好禁秋最憐一
樹天斜甚萬箇清風萬點愁

初秋夜坐

何必悲秋士却緣秋夜悲月明桐葉墮露重
寒香閣詩集卷一 三

豆花垂燈火還書卷虫聲近酒厄可堪多疾
骨又賦早秋詩

雨

邨農望斷杏花雨麥秀風搖浪不成四月片
雲垂屋角三更決瀉落簷斜侵簾幕青燈
乳細入池塘碧草生夏木陰陰南陌上結朝
挈榼勸春耕

夏日晚景

高館殿清夏好風生晚涼竹淡驚宿露荷淨

動踈香斜月濛濛影流螢睽睽光冷然不知
暑散髮竺胡牀

漢柏

老柯交屈錢西漢白雲封香葉來棲鳳靈根
走卧龍朝昏人代閱今古雪霜濃憶昔摩挲
處蒼苔又幾重

終已年余盤桓柏下累日

新柳

郊園春欲暮濯濯柳條新嬈娜嬌無力參差
嫩未勻映山斜斜點翠籠水細生鱗誰念張思

寒香閣詩集卷一

四

暑風流自出塵

以禪喻詩

慧眼滄浪客騷壇辨五禪上乘推漢魏頓悟
屬開天掛角難尋跡游鱗豈滯筌繪成空裏
色參入句中玄鏃鏃心無障超超智愈圓千
秋詩印在妙靈若為傳

櫻盤同色

赤玉行郊後舍桃出漢宮勾圓萬顆合璀璨
一盤空比德知分潤齊光欲並融片霞垂月

宇初日耀芳叢紫禁應無忝丹心已許同千
秋稱寵遇莫忘在筠籠

堂前老槐

庭堦生玉樹修幹不知年六月涼風裏婆娑
噪乳蟬密雲斜漏日疎雨暗浮煙豈是甘蕉
種吾廬亦綠天

東園柳枝詞

林影參差欲郭空雲廊畫閣有無中清明十
日風光好綠到垂楊第幾重

寒香閣詩集

卷一

五

梅花已落杏花稀娟娟遊絲掃石磯似共幽
香有瓜葛碧雲深處片紅飛

野岸依依似霸橋行人拂首黯魂銷生憎無
賴雙飛燕故逐迴風鬪舞腰

薄寒猶中傷春日清淚長勻夢雨天恠是雙
蛾顰未掃一螺青黛鏡東邊

麴塵風起糝窻紗萬縷輕烟一道斜只有閒
愁吹不去滿城飛絮落誰家

樹頭新月細於鈎樹底新烟翠欲流堪笑踏

青人草艸任和煙月罩漁舟

頻倚闌干喚奈何青絲又蘸鴨頭波傷心豈
必金城感一度攀條一倍多

花事闌珊酒事荒背人春色去堂堂多情不
及輕盈柳顛倒東風作意忙

喜雨

淡雲生遠岫微雨落空亭花艷離離墜苔痕
冉冉青傍檐翻去鳥迴沼漾浮萍入夜風猶
靜還應枕上聽

寒香閣詩集

卷一

六

自適軒賞海棠丁香

暮春春色正便妍香國芬菲棹酒船坐久不
知花亦醉沾衣壓帽舞僊僊

玲瓏輕雪亞枝斜蠟炬燒殘酒過花為有素
心酬素客故飄香氣透春紗

削桐為琴

元聲彌六合清韵寄孤桐斷削憑神智裁成
準化工質良兼四善調雅具三終木落高山
裏人遊太古中遙情絃指異深趣漆絲同應

辨嶧陽種能宣解愠風

新竹

冉冉北窓竹清陰綠未勻不隨花爛熳應與
石嶙峋粉落空庭月青留小院春歲寒欣有
託敢厭雪霜頻

石榴

何須勾漏覓丹砂課罷黃庭咀絳霞牢鐫石
門防俗客莫教撫出洞中花

金魚

寒香閣詩集

卷一

七

數尺清波數寸鱗泳游追逐自相親落花不
礙開三徑池沼長浮一片春

聞說六和景物幽碎金點點碧空遊祇今不
見滄浪客誰作濠梁竟日留

榆莢

淡泊晴光三月天人家改火散輕烟菜根咬
得腸猶苦下箸徒教費萬錢

清明

回風卷落紅故作清明雨一逕入孤村新煙

復幾縷

綠遍城南柳傷春人未知陌頭初極目一種
乳如絲

淡雲籠薄日載酒入芳叢恠是餘寒在溪流
剪剪風

撥火試新茶香風吹月片人生幾清明莫最
花如霰

河干吟

風回青草軟雨細碧波遲岸上花開落孤舟

寒香閣詩集

卷一

八

客自知

從軍行為顧孝子工掄作

天山四月雪打圍凍合邊關鳥不飛六軍堂
堂整旗鼓先聲已取名王歸二十書生浹弓
矢代父從征輕萬里飲馬忽過長城窟磨刀
曾試鳴咽水席捲邊雲靖朔方獨馳明駝還
故鄉南陔調膳蓴羹滑酒掃梅東舊草堂

寄仲妹

時妹倩朱德
戴山問至

吾妹春州住起居今若何音書淹歲月道路

慎風波雁影三江斷猿聲五嶺多從來瘴癘
地未可久蹉跎

啓篋忽惆悵遇憐別鶴哀良人已泉壤諸子
尚提挾血淚南溟盡鄉愁北戶開故園相望
處惟見片雲來

老親身健在偏覺重離憂十載穿青眼雙魚
感白頭遙知題字濕應念倚門愁萬里蒼梧
水何時向北流

南軒即事

寒香閣詩集卷一

九

松陰庭院午風涼
磬架青蘿繞畫廊
欹枕不知清夢破
一簾微雨棗花香

村中乘月夜遊

麥秋時序晚風疎
一片閒雲自卷舒
誰識田家清意味
獨乘明月看新畬

濯枝雨

迎梅復送梅仲夏濯枝雨空濛萬象同
瀟灑盈洲渚連林響疎松曲徑迷芳杜
修竹洗逾清朱華鮮更吐黃雀起北牕
瓜蔓流南浦一

罷河朔飲微涼生邃宇

西園夜月懷古

千載西園月由來夜色佳依依追往事
淡淡入奇懷野樹空棲鳥荒池自鼓蛙
銅臺疎影度石竇素烟埋業已三分盡
名猶七子偕晚風吹碧草愁思與無涯

晚過止園和雪園太史韻

高捲湘簾對落曛邨居幽事暫相分
陌頭樹色參差見牛背歌聲斷續聞
詩到輞川堪入寒香閣詩集卷一十

畫人歸栗里欲停雲讀書可耐多難字
擬載清醪一問君

清醪一問君

五畝邱園汶水西池邊亭子與雲齊
遠山學黛當窻列垂柳依人入戶低
隨意野花開自落無媒荒徑往還迷
閒中佳味應相似共占滄浪作釣磯

詠史

領取十年宰相才處人骨同兩無猜
衡山豈有赤松子聊學留侯歸去來

西祀東封苦未休老成始憶李洺州魏公自
下天書拜肉食何能作遠謀
杜鵑何事叫天津一部周官認未真千載休
談祖龍錯焚書還是讀書人

楊花

一曲清流抱郭斜水村烟樹正藏鴉魯連臺
畔春無賴撩亂東風楊白花

南邨

蝶翅蜂鬚取次忙杏花零亂柳絲長村農刺

寒香閣詩集

卷一

十一

喜關何事麥隴初聞餅餌香

高卧空林罷送迎柴關鎮日犬無驚昨宵偶
步前溪月却向主人作吠聲

寒香閣詩集卷一終

寒香閣詩集卷二

東昌鄧鍾岳悔廬

遊釣突泉瞻仰

御書趙孟頫詩

樂水日潺湲鷗波有舊篇淋漓沾御墨揮

洒落清泉光燭天門上星垂輦路前鵲華

翠色滄海繞青烟冰雪挹難盡琳瑯披愈妍

勝遊肅瞻拜甲子紀堯年

和朱念修下第書懷韵

寒香閣詩集

卷二

一

春波擬解木棉裘手把清吟爽似秋得失難
憑蕉鹿幻行藏自有芥針投偶然文戰同三
北畢竟談鋒共一流多病已知詩力退破牕
風雨湯相酬

題畫

一箇釣船千頃月兩株松樹滿山秋愛吟黃
鶴山樵句擬作江南爛熳遊

聞蟬

泱泱溪流漲未平沙頭畧約帶邨橫綠楊五

月城南路恰試新蟬第一聲

洗竹

吾憐北窓竹磊砢隱豐條掠地繁枝洗參天
勁節標淡雲時冉冉涼日雨瀟瀟况復新秋
至清風慰寂寥

黃葵

蜂鬚蝶翅憐香在翠葉檀心向日開知是花
神貪午醉驚黃滿注側金盃

村居秋望

寒香閣詩集

卷二

二

嚴風生北牖乘興覓秋容淡日籠長陌寒雲
抱遠叢露薰團野白霜葉點林紅一洗炎炎
氣清疎滿碧空

東園秋霽

慘悽秋心撥不平郊園風物愜新晴疎林滴
翠沾衣濕小徑垂紅試屐輕砧杵千家寒欲
近烟波萬里雁初征漸看明月東方上唧唧
蟲吟入夜清

題畫

蟲蟲蒼巖萬仞亭亭古木千株遠帆疾若飛
鳥自有天風與俱

賦得自愛寒花晚節香

得寒字

天清氣徹九秋寒籬下黃花露始溥百卉何
能爭爛熳孤松聊復共盤桓陶家臭味香無
恙楚客風流秀可餐莫厭清霜太辛苦老梅
猶向雪中看

賦得雪盡馬蹄輕

得蹄字

平野融殘雪長楸散馬蹄何須金作埒好用

寒香閣詩集

卷二

三

錦障泥雪掣黃雲卷風回白日低纖塵飛不

動顧影自驕嘶

立春日喜雪

開歲始逢春雪花入眼新風和柳披絮律暖
玉生塵宜麥堪為瑞映書豈歎貧從今應紀
應不復誤占辛

正月上辛之占止於八日今歲十日得辛或云豐或云歉

說無一定

東園梅花數本推折殆盡詩以悼之

苦憶前身未了緣

余生時有梅北

春風旖旎暗相牽

花枝照眼還成句觸近閒愁又一年

數椽茅屋翳松蘿曾為幽香載酒過攀折而
今隨斷柳柔條零落夕陽多

變盡春陰滯酒鄉後人笑我太清狂素心自
結寒梅侶屈指流年三十強

草木寧知世上名一株偃蹇可憐生牕前月
落空相憶夢斷羅浮杯自傾

題悼梅倡和詩後

病裏心情百不宜梅花索取斷腸詩銀筍牙

寒香閣詩集

卷二

四

板誰能按恰似旗亭畫壁時

恹余骨相大酸寒影入梅花一例看吟到黃

昏鐘定後疎風斜月倚闌干

醒齷真如虱霞揮春芳掃盡開闢門新詩携

得皆冰雪一掛幽香已返魂

彷彿松林被酒餘一回吟望一長歎袖中賸

有白團扇好作蠅頭細字書

羽扇

一片凌霄翮迴翔兩裊間指揮炎暑退披拂

好風還未可同黃竹真宜伴白綸行藏總無

意翺覺愛秋閒

傳西齋孝廉以紙素索書兼貽菊花數

種次韻答之

歸來已赴力田科課雨占晴事漸多不識西

齋墨池上邇來籠得幾羣鷺

身自支離頭自科箇中真意淡彌多縱然好

事或乘興未必塗鴉許換鵝

新秋即事

寒香閣詩集

卷二

五

秋風來邱園百卉翻庭砌池沼生微波搖蕩

乳菱刺穿竹踏蒼苔移桐手自植新桐未出

墻新竹纔漫地蕭瑟散清影南牕獨靜寄濁

醪聊可適幽情良已遂日落歌高枕晚涼侵

夢寐

村中漫興

夕陽下平蕪潺湲開光曜結隣遠屠沽閑行

侶漁釣憑高眺千古悲風盈百竅天地豈有

心因物自得妙妄欲齊彭殤脩短皆可弔村

醉偶然携聊以發清嘯

南園理荒穢粗竟

墻下雜花發紅碎不堪撚春蟲吐青絲辛苦
未成紅蕊再歲月涼局促幽情塞田園盡荒
蕪荆榛聊自剪已見嘉樹立復令奇石顯微
雨滌衆芳孤雲還絕巖步屨慙所適披襟來
餘善用茲媚幽獨所得詎乃淺

西齋惠菊有感

去年乞菊作重陽今過重陽意倍傷誰識無
寒香閣詩集卷二 六

聲絃指在賞音依舊屬柴桑

領取黃花三兩枝素心觸撥淚如絲癡聲猶
與延年對賸有空杯亦自持

獨坐

小園成默坐清興正悠哉對酒花榮落攤書
鳥去來暗風翻徑竹明月下庭槐露濕青燈
焰憑梧尚未回

園林湯興

避世巢居子忘機海上翁開池浸綠水疊石

樹青松止酒尊常滿淫書目欲矇楚人相造
訪携手看歸鴻

南村

偶至余真嬾坐來慮轉清淡風郊舍滿涼月
竹溪明草木農家味雞蟲世上情五漿應莫
饋機息自無爭

秋晚

止園涼氣盡無復市塵櫻水落浮梁直霜殘
萸草平遠天皆黛色疎木盡秋聲有酒堪斟
寒香閣詩集卷二 七

酌因之薄世榮

城南別業

不到山房久偶來携一尊雨餘三徑綠風偃
半林晷掃壁新題句鋤花舊屐痕片帆天際
遠遮莫下柴門

村居湯興

春雨溪初漲青天月有痕隔林驚宿鳥旁舍
候歸豚生事聊粗具文章可細論濁醪共斟
酌相對已忘言

佳日晴中尋郊原景物清
花飛殘夜雨春老
飲猶能醉長貧不輟耕
曠懷高士
但見古人情

沈飲從農父前村興未賒
遠山青一抹歸路
暗三叉麥隴方生浪
田頭已卜蛙年來學種
藝宅舍半桑麻

南邨初穫麥原野欲成秋
樹密風猶靜花繁
氣欲浮淡雲生遠岫
山雨湧河流
整息農家
務鄰人有勸酬

寒香閣詩集

卷二

八

春日漫成

巢陵春色逐人來
檢點流年三十回
一卷遺
經銷歲月數椽
却屋半蒿萊
虛舟無意從他
泛海鳥有知莫浪猜
早莖剪當新雨後蓬門
浹開且啣杯

小園雜咏

二有堂

堂後松聲靜堂前竹氣深
晚鐘烟鳥定明月
挂疎林

木香廊

木香花芬芳堪采
擷空庭鳥雀喧
片片

一松軒

春老林應密夢殘鳥未歸
青松相對久一
段
白雲飛

見山樓

平樓依綠水水色綠如苔
忽見東南嶺青青
一片來

寒香閣詩集

卷二

九

疏畦

野簌繡春畦空青連遠浦
花間看轆轤隔岸
聞柔艣

帆影樓

結樓臨大河帆影日來去
風雨滿春林牽舟
沾柳絮

立春

春暉破嚴寒策策風猶厲
淨綠澹雲間新青
浮草際華年四十流佳日
飛騰逝魚鳥行可

親欲追莊與惠

余初舉女親友有欲相賀者詩以止之
人世重有子所以著其代男尊而女卑舉之
非一舉差余似續艱涼德常自艾門右初設
悅授室十八載先人望頗殷憂來每如痿弱
女雖非男感昔腸欲碎親串忽在門携榼云
相賚罕見固足珍何異珠百琲海桃果生遲
而今著花在祝子更宜男繩繩復幾輩拜手
謝諸親此情敢弗佩厚德重如山薄植媿難
寒香閣詩集卷二 十

送蘭谷弟赴都

八月挈輕舟東園菊未綻燕山餐落英好寄
南飛鴈

蒼烟籠遠樹野日漾清波佇立孤帆杳秋風
水上多

寒香閣詩集卷二終

寒香閣詩集卷三

東昌鄧鍾岳悔廬

為伍逸園先生題清秋讀易圖

古道照蒼顏秋高氣益肅一卷庖羲書用以
媚幽獨洗心復悅心風懷淡如菊清芬屬後
賢桂蕊香馥馥

曉行

嚴霜如初雪大地彌望白層冰曜曉日落葉
迷廣陌裝駕及夙晨愁思紛已積寒驢怯長

寒香閣詩集卷三

途僕夫抱輕策顧瞻無匹儔朔風正蕭瑟
見田舍翁新營五畝宅义手負朝暄倚杖看
宿麥年豐多餘糧縣遠罕人跡稚子解逢迎
閭里殷晨夕一生豈在多此日足可惜會當
卜素心不復為形役

薄暮

冥色四圍合歸鴉幾點青樵人迷曲徑漁子
爨烟汀遠火人家暗殘霞水上寒微鐘何處
發村寺戶初扃

途中偶成

遠樹稠如髮寒雲濕作衣秋容林外淡驛路
雨中稀短羽輕難度霜蹄倦且歸風塵銷壯
志徒倚望斜暉

燕臺感秋

霜高水冷雁飛聲悵悵秋心撥不平千里雲
烟連遠塞一天風雨落巖城窮愁無那開書
帙羈旅還應仗友生尊酒未闌雙杵動空嗟
歲月已崢嶸

寒香閣詩集

卷三

二

次韻寄雪園太史

十載陪文燕高風意已降遠應黃鵠比閒與
白雲雙樹立階前玉瀾翻筆底江久茅亭子
上明月挂松幢

時月不相見我心殊未降尺書來娓娓佳句

寄雙窠遠道風兼雪深情海共江騷壇頻騁

望何日奉麾幢

秋日喜晴

初破頑陰日色佳蕭森爽氣透綵紗淡風響

道高梧葉涼露香生扁豆花占雨已憂連甲
子穰田猶喜祝篝車今年夏甲子雨淫霖穰
田得以無恙浮雲反覆知無定且闢樽前
一笑譚

次韻寄答耿升書學博

靜躁之不同譬若蒼與素君子履其常無心
竟寵遇翱翔鸞鶴羣馳驟驂騑步愛作隴中
吟恥獻蓬萊賦茲義誰復陳君懷獨相喻遺
我一篇詩迴環不能住明珠沉海底大木森

寒香閣詩集

卷三

三

衢路自來象罔求定邀匠石顧時世自銜媒
苟得亦足懼古道照素心千里宛可邇唯期
保歲寒何暇傷遲暮拜首謝故人寧敢改此
度

擬喜雪應制

飛雪灑寒空飄飄上苑風三春民力在五夜
帝心中仙掌連雲白鵲爐近御紅年年聖德
頌千里瑞光同

賦得春風起春樹得風字